



Inatsisartunut ilaasortaq
Doris Jakobsen

§ 37-mut apeqqutip nr. 2011-74 akineqarnera

Piareersarfimmi ilinniartut ilinniartuunersiuteqarnissamut periarfissaat pillugit apeqqutinut Naalakkersuisut qujapput. Imaattumik akissuteqassaanga:

Apeqqu 1:
Uummannami Piareersarfimmi ilinniartut minutsinik 10-nik inortuigaangata inortuinerat 1 timimik nalilerlugu ilinniagaqarnersiutaannik ilanngartuunneqartarnerat, inatsimmik sumik tunngavissaqarpa?

Akissut:

Uummannami Piareersarfiup ilinniagaqarnersiutit pillugu Nalunaarummi nr. 8-mi, 27. marts 2008-meersumi, § 71-imi, imm. 4 naapertorpaa. Tassani ima allassimasoqarpoq:

"...Piareersarfinni ilinniartunut atatillugu ilinniagaqarnersiutaannik annikillilerisoqarsinnaavoq, aalajangersimasumik atuartinneqarfiusussanut imaluunniit sungiusarluni suliffiusunut, ilinniarfiup akuerisimannngisaanik orniguttoqanngippat imaluunniit kingusinaarluni orniguttoqarpat."

Piareersarfiit siunertarivaat, inuit meeqqat atuarfianni karakteriminnik pitsanngorsaanissaannik neqerooruteqarnissaq, taamaasillutik tamatuma kingorna ilinniarfimmi tigu-neqarsinnaalissammata. Piareersarfinni ilinniartitsinikkut qaffasissuseq meeqqat atuarfianni 10. klassitulli inissisimavoq, taamaattumillu piginnaalersitsisumik ilinniarfiunngillat soorlu GU aamma Qitiusumik ilinniarfiit eqqaassagaanni.

Piareersarfiit isumassuisumik periuseqarpoq, tamanna imaappoq, inortuigaanni malitseqartussaasoq. Taamaaliornikkut ersarissumik ilinniartunut kalerrisaarutigineqarpoq, piffissaq eqqorlugu eqqornaguluunniit orniguppata isumaqanngitsuunngitsoq. Tamanna ilaatigut tunngavigalugu, Piareersarfinni ilinniartut taamak kusanartigisunik angusaqartarput – tassa ilinniartut piffissaq eqqorlugu orniguttarnerat. Tassunga atatillugu aamma piviusoq isigisariaqartoq tassaavoq, Piareersarfinni ilinniartut arlallit siusinnerusukkut pissusissamik eqquillutik ornigunnissaq meeqqat atuarfianni atuarallaramik artorsaatigisarsimagaat. Taamaattumik ilinniagaqarnersiutinik annikilliliisarneq sakkussaavoq, Piareersarfiit atussallugu toqqarsinnaasaat, ajornartorsiut taanna aaqinniarlugu.

Apeqqu 2

Sinerlissami Piareersarfiit aamma allat taamatut periuserineqarpat?

Akissut:

Nunami Piareersarfiit tamarmik Nalunaarummik taassuminnga atuisussaaitaapput, tassa periarfissaq tassaniippoq. Iisimatitsissutigisinnaavara, periarfissaq taanna Piareersarfinni ukunani atorneqarmat: Piareersarfik Qaqortoq, Piareersarfik Nuuk, Piareersarfik Sisimiut aamma Piareersarfik Aasiaat.

29. marts 2011
Sagsnr. 2010-041784
Dok. Nr. 597114

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apequt 3

Inatsimmik taama naleqqutinngitsumik ingerlatsisoqalersimappat, Naalackersuisoqarfik qanoq iliuseqalersaarpa?

Akissut:

Inuussutissarsiornermut Suliffeqarnermullu Naalackersuisoqarfik erseqqarissumik nalilivoq, Uummannami Piareersarfik ilinniagaqarnerstiutitik akiliutinik aqutsinera pissusisamisoortumik aamma inatsisitigut naapertuulluinnartumik ingerlasoq. Tamanna tungavigalugu naalackersuisoqarfik inatsisitigut allanngortitsinissamik eqqarsaateqanngilaq.

Inussiarnersumik inuulluaqqusillunga



Ove Karl Berthelsen